

**E MERCADO DI BUKI DI
MAS GRANDI RIBA DIA DI
HIMNO Y BANDERA**



WWW.SOLODIPUEBLO.COM



SOLODIPUEBLO@GMAIL.COM



PRESUPUESTO 2025 SECUESTRA DOOR DI GERLIEN CROES Y MIKE EMAN

**PROME MINISTER A ATENDE SIDE EVENT "THREATS
AND OPPORTUNITIES OF DIGITAL TECHNOLOGIES:
WOMEN IN THE PUBLIC EYE"**

**A HONRA 3 POLIS
PA NAN ACCION
RELAMPAGO CONTRA
DI UN SOSPECHOSO CU
ARMA DI CANDELA**



**DESASTER NA
HOSPITAL:
TUBO FOFO A
KIBRA, CAUSANDO
DAÑO SERIO NA
TUR PISO**



Orario di servicio Diabierna 14 maart 2025

En connexion cu un reunion obligatorio pa su empleadonan, Banco Central di Aruba (BCA) ta informa cu e lo ta sera pa publico dia **14 maart 2025** entre **8:30 di mainta pa 12:30 di merdia**. BCA lo ta habri bek pa publico na e horario usual parti atardi entre **1:00 di merdia pa 5:00 di atardi**.

Aruba, **12 maart 2025**
Banco Central di Aruba

MINISTER MADURO DI FINANSA A BRINDA FITCH RATINGS UN APRECIO PA E 25 ANIVERSARIO DI TRABOU NA BIENESTAR DI ARUBA



Na comienso di februari Minister Maduro di Finansa a ricibi bishita di Fitch Ratings cu cual compania Gobierno di Aruba ta trahando ya pa 25 aña. Pa conmemora e aniversario aki di trabou, Minister Maduro di Finansa a brinda e

ehectivonan di Fitch un pida bolo preto manera ta nos custumber Arubiano ora di celebra un aniversario importante. E mandatario den presencia di e ekipo di Departamento di Finansa a gradici Fitch Ratings pa e 25 aniversario di trabou na bienestar di

Pais Aruba.

Minister Maduro di Finansa a haci uzo di e oportunidad tambe pa gradici e ehectivonan di Fitch Ratings pa e bon relacion di trabou hiba e ultimo 7 aña cu e mandatario tabata encarga

cu e cartera di finansa pa Aruba.


Tabata un periodo den cual Aruba a pasa den menos bon tempo di un pandemia y den bon tempo di un recuperacion grandi riba e tereno di finansa publico. Na final di e encuentro,

Minister Maduro a expresa cu e tin tur confiansa cu na fin di su mandato, Aruba lo por bay conta atrobe cu un grado di inversion cerca Fitch Ratings manera tabata na varios ocasion durante e 25 añanan tras di lomba.

CAMBIO DEN PRIJS DI PRODUCTIONAN PETROLERO 12 MAART 2025

ORANJESTAD - Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 12 maart 2025:

Gasoline unleaded-premium	: 241,0 cen p/ltr. (- 0,7 cen)
Diesel LS	: 216,1 cen p/ltr. (- 2,1 cen)
Kerosin	: 191,9 cen p/ltr. (- 4,2 cen)
E prijsnan ta inclui BBO/BAZV/BAVP	



AMBULANS A HIBA DAMA CU A BIRA MALO DEN PARKINGLOT DI SUPERMERCADO PA HOSPITAL

Dialuna mainta a drenta informe di cu un dama a bira malo den auto den parkinglot di supermercado, mesora a dirigi un ambulans na e sitio. Na yegada di e ambulans a

bin compronde cu aki ta trata di un dama di 51 aña cu tin problema pa hala rosea. Nan a pone e dama den ambulans y a hib'e cu urgencia pa hospital.



A HONRA 3 POLIS PA NAN ACCION RELAMPAGO CONTRA DI UN SOSPECHOSO CU ARMA DI CANDELA



MACUARIMA, ARUBA: Findilunadifebruari2025, altocomisario Arnhem a yama tres colega policial pa presenta na Warda di Polis Santa Cruz pa honranan personalmente pa nan accion relampago y eficaz.

Durante di Parada di Jouvert Morning a sosode un tiroteo net patras di un Julio's bar na San Nicolas.

Na e momento ey tabata tin un multitud grandi di persona gosando di Jouvert Morning y pa colmo e parada tabata pasando na momento di e tiroteo.

Aki tabata na unda cu tres agente policial di fam Nicholson, de Castro y Dayton a dreña den accion. Tabata momento nan crucial na unda den un par di seconde mester



a actua. Den nan accion policial pa nan sorpresa e sospechoso tabata tin un arma di candela den su man y tabata den direccion di e agente policialnan menciona. Den un forma tactico, eficaz, veraz y cu firmeza a sa di actua y a pone sospechoso na vloer y na boei mesora.

Mirando e riesgo grandi di multitud di hende presente nan actuacion rapido y detene e sospechoso despues di e tiroteo ta algo di aprecia. Pa motibo di esaki altocomisario Arnhem ta mira e importancia di duna balor y honra e tres agente policialnan aki cu e titulo di mas halto di gratitud

cu ta e "oorkonde". Cu e documento aki ta pone un balor extra den nan carrera policial. Arnhem ta gradici e tres coleganan aki pa nan actuacion y ta duna un balor agrega na nos Cuerpo Policial Aruba pa asina di e forma aki sigui mantene nos comunidad sigur y trankil!

E MERCADO DI BUKI DI MAS GRANDI RIBA DIA DI HIMNO Y BANDERA

**18 MAART
DIA DI HIMNO Y BANDERA
BIBLIOTECA NACIONAL ARUBA**

**DIAMARS
18 MAART 2025**

**ORARIO:
09:00 am - 2:00 pm**

**MERCADO DI BUKI 2025
BENTA CUMINDA CRIYO
BOCA DUSHI
CAH'I ORGEL
BANDA: TRADICION MUSICAL
BAILE DI CINTA GRUPO DABARUIDA**

Biblioteca Nacional Aruba (BNA) ta invita un y tur pa un celebracion pa grandi y chikito, 18 di maart awor. Un mercado grandi di buki ta warda tur bishitante y amante di buki. Por busca trankilamente pa e buki perfecto y por stock pa full aña. Banda 'Tradicion Musical' ta toca pa tur y lo tin Baile di Cinta cu 'Grupo Dabaruida' y claro tin benta di cuminda crioyo y cos dushi. E programa alegre ta cuminsa 9'or di mainta y ta sigui te 2'or



di atardi. Pasa gosa, baila y celebra hunto cu famia, amigo y sernan keri di un

bon ambiente y relaha un rato.

DESASTER NA HOSPITAL: TUBO FOFO A KIBRA, CAUSANDO DAÑO SERIO NA TUR PISO

Tabata manera un awacero den hospital

Dia 1 di Maart, a sosode un situacion grave na hospital, ora un tubo a kibra na piso 4, causando daño serio na piso 4, 3, 2 y 1. E incidente aki a resulta den un desastre, afectando varios departamento y forzando ciere temporal di algun seccion importante. Un di e area mas afecta ta piso 2, spesificamente na e seccion di NICU (Neonatal Intensive Care Unit). Debi na e daño, e seccion aki a keda sera te awe, loke ta pone un riesgo grandi pa e yuinan prematuro cu ta naci den hospital.

Causa di e Problema material barata

Segun informacion, e awa den hospital ta wordo getreat cu chloor via un sistema di tratamiento mericano. E chloor aparentemente a causa daño na e tubonan, resultando den kiebro di e tuberia.

Lekkage grandi di awa

E tubonan ta di material

SDB, un material hopi barata cu no ta resisti e chloor. Enbes di usa koper, nan a usa e material di mas barata, causando debilidad di tuberia y kiebro. Esaki a haci cu awa a basha den hospital manera awacero. Tin un investigacion tumando lugar. E daño ta hopi serio y ta trece un impacto grandi pa hospital y su pashentnan.

Hospital a confirma e incidente

Hospital di Aruba a confirma cu tabatin un incidente unda un tubo a rementa den toren B, causando lekkage cu a causa impacto riba varios departamento, incluyendo neonatologie.

Segun un vocero di hospital:

“Ta cuadra cu un tubo a rementa y cu tabatin un lekkage den toren B cu tabatin un impacto riba diferente departamento incluyendo neonatologie.



Ta cuadra tambe cu mester a sera un paar di kamer pa asina resolve e problema mas lihe cu ta posibel. E team di HOH a traha duro pa asina resolve e problema lo mas lihe cu ta posibel y ya mayoria di departamento ta ‘up & running’. Pa loke ta neonatologie encuestion, lo ta ‘back to normal’ pa diaranson awo.”

Hospital a sigui traha riba e situacion pa asegura

cu tur departamento por funciona normal atrobe den menos tempo posibel. Loke nos por conclui ta cu e hospital cu a costa 1 biyon florin (1000 mion) a wordo traha cu material fofu y barata. Esaki por splica tambe cu e compania encuestion a haci ganashi barbaro.

Enbes di usa koper a bay over cu material chines barata. Ata un spill a tuma lugar lagando tur piso bao

di awa.

Ta duna indicacion tambe cu esnan cu mester controla, kisas no a hasi nan trabao.

Mester puntra por ehempel parlamentario Goeloe, kico e por sa di e materialnan fofu aki? Ya cu segun nos tin entendi, na un momento of otro e tambe tabata maneha hospital via bestuur.


ACCIDENTE PA FALTA DI PREFERENCIA NA CRUSADA JULIANA STRAAT CU IRENE STRAAT

Dialuna atardi a drenta informe di un accidente na e crusada Julianastraat cu Irenestraat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e dama chauffeur di e Nissan Tiida cu tabata bini for di Julianastraat no

a para pa duna preferencia na e Taxi Pick-up cu tabata bini na su man drechi den Irenestraat.

Afortunadamente ningun hende a resulta herida aunke e impacto tabata fuerte cu mester a busca takelwagen pa kita e auto for di caminda.



Parlamentario Rocco Tjon:

PRESUPUESTO 2025 SECUESTRA DOOR DI GERLIEN CROES Y MIKE EMAN



Diabierna manita den sala di Parlamento a inicia e tratamiento di presupuesto 2025. Mi persona hunto cu Geoffrey Wever mester contesta preguntanan al respecto nos ministerionan. Sinembergo despues di e pro orador cual tawata sr. Mike Eman a schors e reunion. Gerlien Croes no a duna palabra na leider di fraccion di MEP, cu tawata tin un punto di ordo y tampoco na demas miembronan di Parlamento cu a yena e lista di orador.

Sra. Gerlien croes cu un actitud di kibra regla den parlamento

Ainda nos ta corda con sra. Gerlien Croes a vocifera su mes cu e ta para pa politica moderno, politica caminda ta respeta e organo di Parlamento y alabes tambe su pensamiento cu e Presidente di Parlamento mester traha igual pa tur partido.

Netamente e contrario nos ta constata aworaki. Sra. Gerlien Croes ta laga sera mic di miembronan di Parlamento simplemente pasobra e ta di opinion cu e no tin di haber cu e topico. E ta sera mic di Parlamentarionan mientras nan ta hiba nan disertacion y splica dicon nan kier vota na favor of contra un ley. Kibrando asina e reglamento di ordo. Y tur esaki a culmina diabierna ultimo ora e a sera reunion, lagando tur Parlamentario cu palabra den boca, caminda a nenga nan di hiba palabra, trece punto di ordo y alabes entrega amienda.

Onderonsje entre Gerlien Croes y Mike Eman Tawata bisto cu esaki tabata un palabracion haci di adelanta entre Mike Eman y Gerlien Croes y di e forma ey a secuestra e presupuesto un bes mas. Despues cu mester a keda manda carta y pidi'e pa trata e presupuesto,

cual tawata Mike Eman mes. Esaki cu tur problema pa departamentonan, fundacionnan y pa Aruba su credibilidad financiero.

Pa conclui

Nos ta lamenta e comentario di sra. Gerlien Croes cu tur hende tabata contento diabierna ultimo. Nos fraccion sigur tawata hopi desapunta y mas cu tur preocupa pa e forma con Gerlien Croes a mina parlamentarionan pa hiba palabra, mina nan derecho di entrega amienda y no duna lider di fraccion di MEP oportunidad pa duna su punto di ordo. Pa e motibo ey diabierna siman

pasa ya caba a entrega un carta na sr. Gobernador unda nos ta comparti tur e preocupacionnan aki.

Alabes awe nos fraccion a entrega un otro carta den cual nos ta pidi sra. Gerlien Croes pa duna nos tur correspondencia entre su persona como presidente di Parlamento cu Raad van Advies, CAFT, Directie Financiën y Minister di finansas.

Esaki pa nos por monitoria e proceso pa cu e consehonan cu el a bisa di bay punta na e entidad nan aki.

The Aruba Ports Authority N.V. is publicly tendering: Installation of fenders at the port of Oranjestad. According to the tender document for Capex Project APA-PFAU-1-25

Short Project description:

The project consists of the following activities
Removing old brackets from existing fenders and/or car tires.

- repairing the coping edge at each fender location.
- Installation of protective plates (UHMW-PE) against the quay wall for each fender.
- Installation of 4 pieces of "brackets or U-Anchor" for each fender.
- Note: the fenders are not installed.

The tender documents will be available for purchase from **March 10, 2025, up to March 14, 2025 until 4:30 pm local time**, via email tender@arubaports.com against payment of **Afl. 500.00**.

The request for the tender documents must include proof of transfer in the requesting e-mail. Note that the **cut-off time** for receipt of request and proof of transfer is **March 14, 2025, at 4:30 pm local time**.

Bank Account Information:

Beneficiary: Aruba Ports Authority N.V.

CMB: 15267105 | **Aruba Bank:** 128710 | **RBC:** 7700000030549428

Description/Reference: TOR project nr. APA – PFAU – 1 – 25

For additional details of this tender, visit
<https://www.arubaports.com/main/installation-of-fenders-in-the-port-of-oranjestad/>
or scan this QR code.



Prome Minister Evelyn Wever-Croes:

“Ora hende muhe ta lidera, e futuro ta mas fuerte pa tur hende”

PROME MINISTER A ATENDE SIDE EVENT "THREATS AND OPPORTUNITIES OF DIGITAL TECHNOLOGIES: WOMEN IN THE PUBLIC EYE"



Manera ta conoci, Prome Minister Evelyn Wever-Croes ta na Nacionnan Uni pa atende e conferencia di “Commission on the Status of Women” (CSW69), unda lidernan di mundo ta enfoca riba kico cada pais a haci y ta haciendo pa mehora e posicion di mucha muhe y hende muhe.

Diamars 10 di maart, Prome Minister a atende un side-event di CSW69, “Threats and Opportunities of Digital Technologies: Women in

the public eye”, organisa pa Council of Europe y Yuricko Backes, Minister di Defensa y Igualdad di Luxemburg.

Durante e evento aki Prome Minister di Aruba a hiba un discurso unda riba peticion di e organizacion, el a comparti su experiencia como un hende muhe den wowo publico y e menasanan y oportunidadnan di tecnologia digital.

E mandatario durante su discurso a indica cu un bida publico no ta

solamente servicio pero ta resiliencia. Tur dia un hende muhe den liderazgo ta enfrenta abuso online, desinformacion y control cual ta asuntonan cu ta afecta un hende muhe den gran forma, simplemente pa motibo di nan sexo. Esaki no ta solamente un reto personal pero ta un menasa pa democracia ora cu hende muhe ta wordo obliga pa keda keto.

Prome Minister a accentua cu na Aruba, uso di medionan social ta entre esunan mas halto den e region. Segun e estudio Diagnostics on the Technology Divide on Aruba (2022) di Futura, mas di 90% di e poblacion ta involvi activamente cu plataformanan digital. E conectividad aki ta duna oportunidadnan increibel pa participacion civico, pero tambe ta expone personahenan publico, specialmente hende muhe, na riesgo di acoso, desinformacion y abuso online.

“Pero awe nos ta aki pa recupera nos espacio. Pa sigura cu tecnologia digital no ta un barera, sino un puente, un herment pa empoderamento, inclusion y igualdad. Nos mester fortalece leynan y tuma responsabilidad pa protege bos di hende muhe, tanto online como offline. Aruba



ta solidario cu esfuersonan global pa combati violencia facilita pa tecnologia.

Nos ta kere den un mundo digital unda hende muhe por lidera, expresa y contesta sin miedo y hunto nos mester existi plataformanan cu ta safe, miho strategianan, y e compromiso global pa

protege hende muhe den liderazgo. Laga nos sigui e combersacion aki, cu bos firme y yen di curashi.

Pasobra ora hende muhe ta lidera, tanto den politica como den e mundo digital, e futuro ta mas fuerte pa tur hende,” Prome Minister a termina bisando.

UNION CULTURAL RIBA DIA DI HIMNO Y BANDERA NA MANA



Museo Arqueologico Nacional Aruba (MANA) lo ofrece otro celebracion varia y atractivo pa grandi y chikito 18 di maart awor. Den colaboracion cu Club Kibrahacha, "Santa Rosa", Muchila Creativo y artistanan local ta ofrece un programa interesante entre 10'or di mainta pa 3'or di atardi.

Club Kibrahacha un biaha mas ta treciendo alegria cu nan cuarta y canto, presentacion di baile y mas na MANA riba e dia aki. Departamento di Agricultura y Pesca, "Santa Rosa" lo tene un 'mini marshe' den "Hardin di mi Wela". Lo tin entre otro berdura,

carni fresco, 'microgreens', 'mushroom', Kombucha, licor y juice di fruta, sauce di ingredientenan local y honing.

Muchilla Creativo lo agrega sabor na e dia cu un Festival di Sopi pa recauda fondo den "Hadrey di MANA". Lo malcria e bishitantenan cu un koffiemorgen dushi cu chuculati pinda, bolo y snacks crioyo.

Artistanan Paola Harper y Sylvia Eizinga lo guia un tayer di pinta y decora un yabero of mini cuadra cu simbolo di Aruba. E tayer ta costa Afl.15,- y ta basa riba 'first come,

first serve' entre 10'or di mainta y 3'or di atardi. Artista contemporaneo local Velvet Zoe Ramos lo tene un charla y un presentacion artistico poetico pa 12.30 'or den su Xposicion "Interlasado: Pasado Presente". Sea na ora pa participacion maximo!

Riba e dia nacional aki arkeologo Raymundo Dijkhoff lo tene dos presentacion den auditorio di MANA tocante Data y Analisis: Resultado y Interpretacion di Santana St. Cruz 35. E presentacion aki ta e di dos den e ciclo di tres tocante e Santana Sta Cruz 35. E prome presentacion lo ta di 11'or



pa 12'or di mainta. E di dos lo ta di 1'or pa 2'or di merdia. E capacidad di auditorio ta maximo 50 persona loke ta nifica cu ora yega maximo no por permiti mas persona drenta.

Scoge pa gosa, baila, y celebra hunto cu famia, amigo y sernan keri di un dushi ambiente na MANA dia 18 di maart awor. Entrada ta gratis. Si ta desea por laga un cariño den cahita di donacion.

Prome Minister Evelyn Wever-Croes: PA DI 8 AÑA CONSECUTIVO, GOBIERNO DI ARUBA TA CELEBRA DIA INTERNACIONAL DI HENDE MUHE CU UN CONFERENCIA INSPIRATIVO



Diasabra ultimo, den un sala completamente yen, Gobierno di Aruba hunto cu nos hende muhenan presente a celebra Dia Internacional di Hende Muhe. Pa Gabinete Wever-Croes e dia aki ta uno sumamente importante y special y p'esey pa di 8

aña consecutivo ta celebra e dia aki den grandi cu un conferencia dedica na nos hende muhenan.

E conferencia a inicia e atardi aki cu un bunita cancion Gospel "Bo ta Santo" canta pa Eltienne Yarzagaray. Sigur un



cancion hopi emocional cu a "touch" curason di tur nos hende muhenan den e sala.

Despues di a wordo deleita cu e cancion bunita aki, esnan presente por a disfruta di un discurso inspirativo di Prome Minister di Aruba Evelyn Wever-Croes. Den su discurso e mandatario a enfoca riba e topico di lidersago femenino y e importancia pa prepara nos mucha muhenan pa por asumi posicionnan di lidersago den futuro. Un discurso hopi detaya na unda Prome Minister a conta hopi di su mesun experiencia personal, y comparti e 4 areanan cu ta yud'e crea un balans den su bida.

E conferencia a sigui cu un bunita presentacion di Parlamento Hubenil, sigui pa un panel consistiendo di 4 ser femenino profesional, Parlamentario Shailini

Tromp-Lee, Cythia Quant Project Manager di Fundacion Contra Violencia Relacional, Susanita La Bella cu ta propietaria di Aruba Experience Café, y Ankie Danker cu ta directora di EPI. Nan a elabora riba e topico di empoderamento den bida real, y e pregunta na nan tabata cua ta e reto di mas grandi den bida y trabou cu nan a enfrenta y con nan a surpasa esaki.

Prome di a tuma un break, a presenta un video inspirativo di Anabel Lurainne Leon, cu ta un influencer Arubiano biba na merca, hopi conoci y stima pa e comunidad di Aruba. Den su video, Anabel a trece un bunita mensahe pa tur e hende muhenan cu tabata presente.

Despues di un break cortico unda esnan presente por a disfruta di algo di bebe y come, a sigui cu e presentacionnan

di Aruba su Minister di Finanzas Xiomara Maduro, Señora Jennifer van der Biezen cu ta un coach & percussionist, Señora Jeannely Everon cu ta un cancer survivor, Señora Anouk Eman Miss Universe Aruba y Señora Belkys Moreau cu ta un motivational speaker.

E conferencia aki a conta cu un sala completamente yen, na unda un cantidad grandi di nos hende muhenan a bin hunto pa celebra nan dia special. Prome Minister ta gradici tur esnan cu pa años a sostene e conferencia importante aki cu ta Diamonds International, Crown Aruba, Romar Trading, y Aruba Tourism Authority. Tambe Prome Minister ta gradici e motor tras di evento aki cu ta Sandra Suarez, tur esnan cu tabata presente y esnan cu a traha duro pa haci e evento aki un exito total.

Partido MEP:

DEN UN SALA COMPLETAMENTE YEN CU ORADORNAN INSPIRATIVO PARTIDO MEP A CELEBRA DIA INTERNACIONAL DI HENDE MUHE



Den cuadro di Dia Internacional di Hende Muhe, Partido MEP y Comicion Forsa Femenino Grace a organisa na Cede di MEP un encuentro ameno pa tur nos hende muhenan riba nan dia. E tema e aña aki tabata "For ALL Women and

Girls: Rights. Equality. Empowerment." Den un sala completamente yen y bunita dorna esnan presente por a disfruta di varios presentacionnan balioso dirigi na nos sernan femenino.

Lider di partido MEP



Evelyn Wever-Croes a duna un discurso na unda el a enfoca riba lidersago femenino y e importancia pa prepara nos mucha muhenan pa por asumi posicionnan di lidersago den futuro. El a duna hopi ehempelnan personal y a comparti e areanan cu e ta enfoca riba dje pa asina crea un balans den su bida.

Un di e oradornan riba e anochi aki tabata señora Ruthdlene Sanchez cu a papia riba e significado di "Empowering". Sigur un presentacion hopi inspirativo na unda el a splica riba e realidad cu tin actualmente na Aruba unda hopi biaha nos kier empower otro y alabes kibra otro, y e rol cu social media ta hunga den esaki. Tambe el a reitera cu un muhe empodera no ta uno cu lo purba na caba cu otro of desea malo pa otro sino un muhe cu ta den control di su emocionnan y cu ta

sostene otro.

Thalina Willems tambe tabata un orador e anochi aki y a elabora riba e lasonan cu hende muhe ta forma den su crecimiento y e impacto cu esaki por tin den e desaroyo como hende muhe y mucha muhe. Señora Willems a enfoca specialmente ariba lasonan sigur y con esakinan por desaroya como adulto tanto riba nos mes cu informacion, pero tambe cu ayudo / guia profesional. Tambe el a brinda informacion di diferente instancianan social cu ta proveë guia y sosten pa e hende muhe y muchanan.

Durante e anochi aki, Stichting HUNTO tambe a duna un presentacion hopi informativo. Señora Michelle Lont a comparti informacion riba e servicio cu Stichting HUNTO ta ofrece, concentrando

principalmente riba salud mental. Durante su presentacion, Lont a enfatiza cu hopi hende den comunidad ainda no sa unda nan por busca ayudo pa problema di salud mental. E pregunta "Unda bo ta bai ora bo tin un problema di salud mental?" a crea un dialogo hopi interesante, unda e participante nan a comparti idea y experiencia riba e tema. Na final di e charla, e interes tabata grandi, cu hopi pregunta. Participante nan tambe a pidi pa ricibi mas informacion y tips pa cuida nan bienestar mental.

Lider di partido MEP a expresa cu e encuentro aki manera tur aña tabata uno exitoso, y ta gradici partido MEP, Shannnon Henriquez, Comicion Forsa Femenino Grace, e team completo, tur e orador y participante pa haci esaki posibel.

SABIDURIA DEN NOS ALEGRIA

Skirbi pa Ruthy”Lady Ruth”Vrieswijk-Bergen



Lady Ruth a atende dos actividad den fin di siman tray lomba. Nos no por a atende tur pa motibo di su situacion cu su sinus. Nos sa cu nos salud ta bisa :”Vatbaar voor verkouden” y cu nos no por sali mucho den oranan di anochi y of den serena ora e sinus ta un crenchi pisa.

Como adulto mayor nos tin cu cuida nos salud. Pero, nos a atende e 2 actividadnan den dia riba Diasabra dia 8 di maart, Dia internacional di hende muhe. Den oranan di mainta nos a bishita Educampus Building cu ta e ex edificio di Bon Bini Bazar den caya grandi ariba invitacion di e simpatico hende muhe profesional cu un curason di oro “Magaly Maduro”, e dinamico presidente di e grupo Soroptimist na Aruba y nos a goza di un bunita programa cu variacion den arte, actuacion, poema, charla y diferente standnan. E oradornan tawata fantastico, inspira tur

hende rond di nan cu nan storia di logronan den bida cu su ups and downs. Nos flamante Miss Universo Aruba, Anouk Eman a duna un short video presentation di su historia fei mucha den su sport landamento sincronisa y con ela lanta bek foi su operacion di lomba yega na su participacion den e eleccion di Miss Universo. Su amor y passion pa sincronized swimming cu a cambia pa prepara su mes pa e certamen di Miss Universo. Sra. Natusha Croes un tremendo art teacher su alumnonan den actuacion a presenta un obra teatral mahestral cu hopi emocion cu ta biba den nos tur como hende muhe. Cu e toke den diferente lenga, pero comprendibel pa tur presente. Den oranan di tray merdia, Lady Ruth a bay Hilton Hotel pa atende e di 8 of ta di 7 conferencia di hende muhe organisa pa gobierno su prome Prome Ministro Evelyn Croes cu ayudo profesional di un

di e man drechinan cu ta Sandra Croes Suarez, cu a luci masha masha bunita mes den su bisti blanco di angel.

Esaki tambe tawata hopi impactante cu oradornan y panelistanan expresando nan retonan como hende muhe y con nan a surpasa esakinan. Lamentablemente nos no a keda te mucho laat den oranan di atardi y no a scucha e charla di Ministro di Cultura Xiomara Maduro. Nos a scucha si e charla na cuminsamento di e atardi aki di Ministro Presidente Evelyn Wever Croes cu a comparti di su bunita curason con e ta fungi como un multifacetico den famia y trabao combina y menciona e 4 areanan cu ta tenele den balans cu ayudo di un tremendo network. Nos a presencia y scucha tambe e presentacion di 3 miembro di nos Parlamento Hubenil cu tambe tawata hopi bon. Ta chispanan di 2 di e actividadnan cu Lady Ruth a atende. Nos no por a atende e actividad e biaha aki di Centro di barrio playa pabao Diabierna anochi dia 7 di maart, cu tawatatin nos ombudsman como orador principal invita, sra Jurima Bryson, cu e tema Derecho y trato igual pa e hende muhe. Coleganan Poeta Omaira y Lady Ari a recita varios di nan bunita poemanan y a toka e curasonnan presente cu nan bunita inspiracion. Lady Ruth a manda un grabacion cu poema, ya cu ta varios anja e tambe ta forma parti di e team di artistanan y poeta cu ta duna nan bunita presentacion den CBPP. Nos a prefera di no sali den oranan di serena di anochi ainda, pa laga e situacion di sinus calma.



Leuk pa topa asina hopi hende na e actividadnan prestigioso , organisa anualmente dia 8 di Maart. Nos a scoge tambe pa no bay Cede di Mep den oranan di Diasabra 8 di maart anochi, pa e mesun motibo menciona di sinus. Prome cu e fecha di 7 y 8 di maart, Lady Ruth a topa cu algun bon amigo lider scout na Ad Patres mas o menos dos of tres siman prome, ora a bay e entierro di e kerido tata di un di nos lidernan. Despues ta fayece tambe un di e mihor Akelanan di Aruba den tempo di su tempo, esta sra. Glenda Diana Bareno di e barrio di Piedra Plat, pero cu a fungi como lider scout den grupo Santanero na Dakota unda ela biba pa hopi anja. Pues, atrobe tristeza man den man cu alegria. Asina bida ta sigui lora y ta nos tur lo hanja un beurt un dia, sin sa con, e dia, e ora y of e lugar. Mientrastanto ta bon pa nos tur sigui cuida nos salud pa rek nos tempo aki na mundo

y pa nos goza mas tanto cu ta posibel den cosnan alegre cu ta uni famia. Ban prepara nos curason pa nos Dia Nacional, nos Dia di hymno y bandera cu ta ey mes na lorada di skina. Ah si ! Prome cu esey, e competencianan den Poeta di Patria cu lo tuma lugar atrobe na Fort Zoutman. Ban wak si nos salud ta permiti nos bay den aire liber, asina mes cu tin tanto lugar mas gezellig y acustiek, no ta comprende dicon Fort Zoutman. Enfin, tur cos ta pasa pa un motibo. Laga bo motibo ta gradicimento y amor pa bo Creador di amor. Dios mediante nos lo topa sea den relato of den persona. Pasa un dushi dia yen di sabiduria den nos alegria !

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

Statistical Overview of Aruba 2023

OFICINA CENTRAL DI ESTADISTICA TA PRESENTA SU PUBLICACIÓN ‘STATISTICAL OVERVIEW OF ARUBA 2023’




Den e publicacion aki varios topico ta ser trata, manera entre otro cifranan di poblacion, salubridad publico, construccion y utilidadnan, politica, educacion, labor, empresa, turismo, trafico, transporte y comunicacion, comercio cu exterior, aspectonan monetario, bancario


y macro economico, finanzas publico, indice prijs di consumo, asuntonan social, vivienda, clima y husticia. Asina tin un gran cantidad di otro datonan estadistico, indicadornan, tabel y graficonan den e ‘Statistical Overview of Aruba 2023’ y cual

informacion y datonan hopi biaha ta wordo uza door di entre otro instancianan particular, gubernamental y tambe studiantenan. Alabes tin varios dato estadistico di Aruba ta wordo compara cu datonan di otro paisnan den region y resto di mundo.

Oficina Central di Estadistica (CBS) ta yama danki na tur instancia y departamentonan di gobierno cu a yuda contribui na informacion di data pa e ‘Statistical Overview 2023’. E publicacion ‘Statistical Overview of Aruba 2023’ ta obtenibel caba riba

website di Oficina di Central di Estadistica: <https://cbs.aw/wp/index.php/category/statistical-overview-of-aruba/> Pa mas informacion acudi libremente na Oficina Central di Estadistica (CBS) den e edificio di Sun Plaza Mall, L.G. Smith Boulevard 160, telefon 5247433, E-mail: cbs@setarnet.aw

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - March 11, 2025		
CATOCCHI Sorteo # 4561 4213 0785 2574 FP BIG 4 Sorteo # 4561 3493 X2 OFF Sorteo # 2617 8778 ZODIAC Sorteo # 4561 1927 Capricornio LUCKY 3 Sorteo # 1435 327 X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12.00 LOTTO DIA Sorteo # 0 x Jackpot 0 x Match 4 0 x Afl. 8.00 MEGA Sorteo # 0 x Jackpot 0 x match 4 0 x Afl. 500.00 0 x Afl. 50.00 0 x Afl. 15.00 MEGA Afl. 370.000,- KORSOU Sorteo # 	Joker Letter Proximo Jackpot 180.000,- Proximo Jackpot 53.000,- Mega Ball Proximo Jackpot 270.000,- Afl. 370.000,-

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - March 11, 2025		
CATOCCHI Sorteo # 8493 6844 6803 9545 X2 BIG 4 Sorteo # 7537 8833 X2 OFF Sorteo # 2242 6160 ZODIAC Sorteo # 6296 5199 Cancer LUCKY 3 Sorteo # 1226 682 X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12.00 LOTTO DIA Sorteo # 0 x Jackpot 0 x Match 4 0 x Afl. 8.00 MEGA Sorteo # 0 x Jackpot 0 x match 4 0 x Afl. 500.00 0 x Afl. 50.00 0 x Afl. 15.00 MEGA Afl. 370.000,- KORSOU Sorteo # 	Joker Letter Proximo Jackpot 180.000,- 11-22-25-27-29 Proximo Jackpot 53.000,- Mega Ball Proximo Jackpot 270.000,- Afl. 370.000,-

STICHTING KLEIN ARUBA Y OMAR HARMS TA PRESENTA "THE PRIME MINISTERS"



Diahuebs awo, 13 di maart 2025 un publico consistiendo di invitadonan lo ta testigo di un documentario unico titula "The Prime Ministers".

Pa mas cu un aña y cu produccion di Kenwolff studios, Stichting Klein Aruba hunto cu sr. Omar Harms a bin ta traha y

forma e documentario aki cu lo dura 1 ora y 15 minut. The Prime Ministers ta un pelicula cu lo explora e bida humano, banda di esun politico, di Aruba su cuater Prome Ministernan desde 1986, Henny Eman d.f.m., Nelson Oduber, Mike Eman y Evelyn Wever Croes. E famia y amigonan di cada un

di nan tin e honor di presencia e produccion. Stichting Klein Aruba cu Addonsito Croes como secretario, a uni na e idea di e creado Omar Harms y hunto cu Jeng Leong, Kencho Wolf y Erin Croes, a crea e documentario unico aki, reuniendo Aruba su 4 prome Ministernan.

For di awo caba e productornan ta yama danki na cada cas comercial y instancia cu compronde, kere den e idea haciendo e documentario aki posibel. Sigur pa hobennan cu tin e materia Historia y Staatsinrichting, e

documentario aki ta masha educativo. Pueblo di Aruba lo tin e oportunidad di mira e documentario aki dentro di poco. Luga, dia y ora lo keda anuncia. Mas informacion por ta haya riba e instagram page: Theprimeministersaruba.

Departamento di Aduana ta cera en conexion cu Dia di Himno y Bandera y dia colectivo di ATV

ORANJESTAD- Departamento di Aduana ta informa cu su oficinanan lo ta cera riba dialuna 17 di maart en conexion cu dia colectivo di ATV y diamars 18 di maart 2025 en conexion cu celebracion di Dia di Himno y Bandera. Tur servicio pa cliente y publico

en general lo reanuda diaranson 19 di maart desde 7.30'or di mainta.

Departamento di Aduana ta pidi pa tuma nota di e informacion comparti y ta desea comunidad di Aruba un feliz Dia di Himno y Bandera 2025.

Reverendo Pastoor Jozef Pelc y reverendo Diacono Michael Nicolaas di Parokia Birgen di Fatima, Dakota,

Ta invita tur parokiano y pueblo di Aruba en general pa un Santo Sacrificio di Misa, diahuebs, 13 di maart pa 8'or di mainta, pa yama nos Arsobispo, Jason Gordon, bon bini cerca nos.

Boso presencia ta altamente aprecia.

HOMBER DI EDAD A DJIS SAK DEN OTRO PARA DEN FILA NA SETAR TEleshop WARDa PA NAN HABRI



Dialuna mainta a drenta informe di cu un homber di edad a djis kita cay wardando Setar Teleshop habri, mesora a dirigi un ambulans na e

sitio. Na yegada di ambulans a haya e homber sinta den solo.

Nan a lant'e y a compañ'e den

ambulans. Durante e control den ambulans a saca afo cu lo ta miho pa hib'e hospital y a transporte pa hospital.



Rosario Bibó diahuebs 13 di maart na kapel di Alto Vista

Diahuebs 13 di maart proximo lo tin otro Rosario Bibó na kapel di Alto Vista cuminsando pa 7 or y mey di anochi.

Nos ta den temporada di Cuaresma, tempo di orashon, ayuno y abstinencia. Nos por reflexiona tocante nos relacion cu Dios y nos prohimo, con nos por mehora esaki. Sigui den pasanan di Hesus pa stima otro. Haci hopi orashon pa nos sernan kerí y pa nos mes y asina prepara nos mes pa bida eterno.

Ayuno y abstinencia ta pa nenga algo pa nos mes y duna otronan cu ta den necesidad.


Haci sacrificio, bon obra, comparti cu otro e palabranan di Dios.

Cada persona por presenta su intencion personal durante e Rosario Bibó y hunto lo resa pa tur intencion particular y general.

Un invitacion na tur hoben y adulto pa asisti na e Rosario Bibó diahuebs awo 13 di maart, pa 7 or y mey di anochi na kapel di Alto Vista

GRADICIMENTO

Na nomber di su único yui Rayen, famia Martinus, famia Orman y demás famia, nos ta gradici tur hende (Aruba-Hulanda) cu di un of otro manera a duna atenshon durante e dianan difícil di enfermedad, fayecimento y entierro di nos difunta stima.



Lourdes Margarita Martinus

*19-11-1962-†22-02-2025

Tambe nos kier a gradici personal y dokternan di piso 3 Hospital. Un danki special na tur esnan cu a yama, manda condolencia y palabranan di forza via whatsapp, Facebook, Email y otro medianan social.

Un danki special na Olive Tree Funeral Care & Crematory pa e bon trato/servicio ricibi. Boso muestra di atenshon ta di gran consuelo pa nos.

Di parti di famia completo un danki di curazon

BIAHE DI ESTUDIO COLEGIO NIGEL MATTHEW



Riba diahuebs 6 di maart ultimo a sali un delegacion di 80 alumno di Colegio Nigel Matthew pa Merca. Hunto cu e alumnonan a biaha 13 docente. Hefe di delegacion ta sr. Ricky Arends y representacion oficial di Colegio Nigel Matthew ta sr. Whitney Kock.

Pa ta exacto nan a biaha pa New York y despues sigui pa Maryland.

Meta di e biahe di estudio ta pa e alumno cera conoci di cerca y experiencia un dia na tres diferente universidad. Nan ta bishita University of Maryland Baltimore County, State University of New York y Monroe University.

Gobierno di Aruba tin areglo cu e universidadnan aki cu ta yuda acomoda e estudiante Arubiano den su

afan di studia den un ramo profesional specifico. Cu e Arubalening cu e alumno por haya awendia y e areglonan entre gobierno di Aruba y e universidadnan aki, studia na Merca ta posibel y pagabel.

Mas den ramo socio-cultural, e delegacion lo bishita Embahada di Reino Hulandes na New York, Busch Gardens na Williamsburg, Independence National Historical Park, White House, One World Observatory, The National September 11 Memorial Museum y otro. Cu un biahe den ferry lo pasa cerca di Statue of Liberty y bou di e Manhattan Bridge na New York.

No por laga afo cu henter e delegacion ta hopi interesa den e parti di comercio



Mericano. Nan lo bishita diferente shoppingmall cu e intencion pa mira otro hende haci compras.

Diahuebs 13 di maart

proximo e delegacion lo yega Aruba di regreso despues di un biahe hopi intensivo y educativo. Biahe asinaki ta duna e alumno no solamente

conocemento, pero sigur tambe e estimulo pa haci loke ta necesario pa e gradua pa su HAVO-diploma y despues sigui pa un estudio avansa.

AGROALIMENTARIA 2025 NA REPUBLICA DOMINICANA: OPORTUNIDAD UNICO PA EMPRESARIONAN ARUBIANO



ORANJESTAD - Departamento di Asuntonan Economico, Comercio y Industria y su unidad Exprodesk den colaboracion cu Ministerio di Asunto Economico, Comunicacion y Desaroyo Sostenibel, ProDominicana, Junta Agroempresarial Dominicana (JAD) y Consulado General di Republica Dominicana na Aruba ta invita tur negociante y importadornan pa un anochi informativo tocante e feria Agroalimentaria 2025 dia 13 di Maart 2025 na Departamento di Asuntonan Economico (Sun Plaza Building, 2nd floor) pa 6:30 PM.

Mester registra via e link: <https://cutt.ly/Agro2025> E mision ta centralisa riba e feria internacional Agroalimentaria 2025, cu lo tuma lugar di 28 te 31 di mei 2025. Agroalimentaria 2025 ta e plataforma mas grandi di Republica Dominicana pa sector agroalimentario, bebida y tabaco, cu lo reuni mas di 250 exportadornan

Dominicano. Durante e feria, lo tin presentacion di productonan como berduza, fruta, condimentonan, pasta, koffie, cacao, tabaco, cerbes, rum Dominicano y hopi mas.

Pa kico e feria ta importante pa Aruba? E situacion economico mundial ta cambia constantemente, cu aumento di tarifanan riba importacion na Merca y otro paisnan clave. Aruba mester sigui diversifica su lazonan economico y explora opcionnan nobo pa importacion y inversion.

Agroalimentaria 2025 ta un oportunidad ideal pa empresarionan Arubiano traha conexion cu negoshinan Dominicano, amplia nan red comercial y explora colaboracionnan nobo.

E feria lo brinda oportunidadnan pa comerciantenan por explora posibilidadnan nobo di colaboracion y importacion a traves di reunionan y ronda di

negoshi cu exportadornan Dominicanos, conferencianan y presentacionnan riba e sector agroalimentario.

Agroalimentaria 2025 ta ofrece e siguiente beneficcionan gratis:

- Tres anochi di hotel;
- Transportacion Aereopuerto-Hotel y Hotel-Aereopuerto;
- Reunionan cu exportadornan local (B2B meetings);
- Sosten y asistencia prome y durante e feria di Agroalimentaria 2025.

Anochi informativo ta tuma luga: 13 di Maart 2025 Durante e anochi informativo, lo brinda mas informacion riba e feria, e mision comercial y con bo por participa. Participacion na e anochi informativo ta completamente gratis y sin compromiso. Pa mas informacion y con pa participa por tuma contacto cu sra. Sharon Meijer na: s.meijer@deaci.aw

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

FORTALEZA PA FAMILIA

Scirbi pa Pastor Marcel Balootje.

SALBACION TA UN PRIORIDAD PA TUR HENDE

Pasobra Dios a stima mundo asina tanto, cu E a duna Su Yiu unigenito, pa ken cu kere den dj'E no bay perdi ma tin bida eterna. (Juan 3;16).

Y nos ta hanja conformacion di esaki den Hechonan 4:12 caminda ta para scirbi: No tin salbacion den ningun otro, pasobra no tin bao di cielo ningun otro nomber cu ta wordo duna na hende, pa medio di cual nos mester wordo salba.

Cristo Hesus ta compronde perfectamente locual nos ta pasando aden.

Cristo Hesus ta haci lo imposibel, bira posibel, no ta importa e situacion cu nos ta den.

Solamente pa medio di Cristo Hesus nos por wordo salba.

Esun cu no kere den Cristo Hesus pa salbacion, ta biba bao di condenacion (Juan 3;18) y den e estado ey e no por hereda bida eterna. No laga ningun hende ganja bo, ni tampoco no ganja bo mes.

Cielo tin un porta y pa drenta aden nos tur mester drenta pa medio di Cristo Hesus, kende ta E porta.

Pa nos por cana riba cayanan di oro den cielo, nos mester pasa den e porta y caminda smal cu ta den Cristo Hesus, y asina nos por cana den caya hanchu den cielo, pesey hopi ta scohe e caminda hanchu di mundo y ta rechasa e caminda smal di nos Senyor Cristo Hesus.

Un hende no por ricibi nada, si esey no a wordo duna na dje for di cielo. (

Juan 3;27).

Bijbel ta sinja nos cu Cristo Hesus ta e caminda di Berdad y e bida, ningun hende por yega serca e Tata si no ta pa medio di Cristo Hesus, esey ta nifica, cu tur hende cu no tin Cristo como prioridad den nan bida, ta imposibel pa ricibi bida eterna y asina tin cielo como destinacion final.

Ta hopi trampa diabel tin pa convence hende, cu nan ta mucho jong. Gosa un tiki mas di bida, of placa, propiedad y cosnan di mundo ta mas importante

cu salbacion, cu salbacion no tin pura, pa asina wanta hende den scuridad, pasobra tur hende sa e plan di e malbado cual ta para scirbi den Juan 10;10.

Scuridad kier cubri mundo henter, y nos tur ta mira esey, pero te ainda hende no kier compronde e salida for di gara di diabel, cu solamente Dios a ofrece na mundo henter pa tur cu kere den Su Yiu unigenito no bay perdi ma ta ricibi bida eterna.

E preis cu Cristo Hesus a paga pa nos salbacion na e crus riba Calvario, no ta nada cu ningun hende por haci pa nos, pasobra pa medio di su morto e a redemi nos for di pica, y a pone nos riba e caminda di berdad y bida.

Ta tempo pa tur hende arepentí, y stop di haci cabetesura, stop di play sabi,

stop di hunga religioso, pasobra Cristo Hesus ta Rey y Senyor den bida di tur esnan cu ta kere den dj'E.

Dios a ofrece salbacion na nos tur, no ta existi salbacion temporal, salbacion ta hiba nan bida eterno. No ta existi un temporada di puresa, puresa ta prioridad den nos bida, pa completa nos salbacion den Cristo Hesus.

Cristo Hesus ta mescos cu e sanger cu ta corre den nos curpa, awel pensa bon, ken por biba un temporada sin sanger, y despues e ta bin bek bin busca sanger?

Asina nos tin cu comprende e prioridad di salbacion den nos bida, cu ta necesario arepentí y aparta for di pica y biba pa Cristo Hesus.

Oracion di dia

Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec." (Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta difcil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salbacion.

Amen

Paga bo cuenta online ta facil

Sea
Abonnement
of Aviso

Pago online,
facil y lihe

Pa hasi pago online pone nomber y adres na
cuenta di banco RBC Sunmax Printing
account # 7700000100152447